

CONCORDIA GENERALIS DOCTORVM

A D
REGVLAS SOLVTIONVM.

Pro qualibet variatione Monetarum, varijsque
contrahendi formis.

In tractatu de Augmento Monetæ præscriptas.

AVCTORE

IO. BAPTISTA CORAZZARIO GENVENSI.



ROMAE, Ex Typographia Ludouici Grignani. MDCXLII.
SUPERIORVM PERMISSV.



SERENISSIMO PRINCIPI
IO. AVGVSTINO MARINO

SERENISS. GENVENSIS REIPVB.

D V C I.

FOELICITATEM.



FAELICIA inter auspiciati Ho-
noris Tui auspicia, En gem-
nam veritatis antiquæ, quæ in
Coronas Tuas ita ambit inferi,
vt Serenitatem Tuam in Glo-
riosa Reipublicæ nostræ æter-
nas inuehat Tabulas. Olim Sereniss. Princeps
librum composui de Augmento monetæ, nu-
perq; illum in lucem dedi, in Honorem (hoc
enim vnicum in votis mihi fuit) Omnipoten-
tis Dei, Reipublicæ nostræ bonum, salutemq;
periclitantium Animarum. Hic Serenissime
operis mei finis.



CONCORDIA GENERALIS DOCTORVM AD REGVLAS SOLUTIONVM.



V M quæstio de Augmento monetæ, teste Regnaudo, *in princip. tract.* sit, vt verbis eius loquar, *Antiqua, alta, magna, & profunda; Vtilis quoque,* teste Bruno, *cod. tract. lib. 8. & quotidiana, sed male,* inquit ipse, *tractata, & peius intellecta;* vt proinde in ea, teste etiam Thesauro, *codem tract. par. 2. nu. 31. Doctorum tam antiquorum, quam recentiorum traditiones concurrere, & è diametro pugnare videantur.* Nobis in superiori discursu ad commune præscriptum, & Imperatoris exemplum, *S. ult. Instit. quib. ex caus. manum. non lic. Medium eligentibus, Placuit cum eodem S. 25. de rer. diuis. Media sententia, quæ suum cuiq. tribuens, nec omni, nec nulli debito adiudicet augmenta monetæ; sic vno ore conclamantibus, communi obseruantia, Iuribus omnibus, & Doctoribus, vt in terminis demonstrauius.*

At

§. I.

Præsuppositio Terminorum.



PRIVSQVAM quid communiter de hac re statuendum sit ostendatur. Præsciendum est, ut monet Rener. *cap. 2.* Nobis autem supponendum ex dictis supra *art. 3. & 4.* Aliam speciei, aliam Generis esse obligationem, & inter illa duo discrimen notabile constituendum, ut inter optimos Scriptores, & communiter receptum, atque usitatum apud illos est indubitatum, qui eorundem

Doctorum Virorum scripta, tractatus, & consilia cum aliqua attentione viderunt, & legerunt.

Generis, & speciei multiplex est acceptio. Primò & communiter, ut cum *glos. not. DD. in l. 2. ff. de reb. cred.* Aliter accipitur apud Logicos, aliter apud Legistas. Apud Logicos Genus dicitur, quod prædicatur de pluribus differentibus specie, ut animal de homine, & leone; Species de pluribus differentibus numero, ut homo de Socrate, & Platone. Apud Legistas Species vocatur corpus aliquod demonstratum, ut hic aureus, hoc triticum. Genus, quod sine demonstratione proferatur, ut aureus, triticum.

Secundò, & magis propriè in præsentì, Species accipitur pro quolibet genere monetæ realis communis pluribus corporibus eiusdem materiæ, & formæ, ut Aureus Romæ, Argenteus Genuæ, Duppla Hispaniæ, & similia, quorum plura corpora reperiuntur: quæ species à Fab. *cap. 8. 9. & 19.* dicitur, *specificæ*.

Genus verò dupliciter accipitur. Vno modo pro quadam specie monetæ realis, quæ ad modum generis concipitur communis pluribus speciebus, non cuiusvis, sed æquipollentis materiæ, & formæ, ut scutum Romæ, libra Florentiæ, florenus Germaniæ, qui licet sit certa species monetæ realis, ex usu tamen, ut refert Layman. *nu. 11.* apud illos in Instrumentis apponitur, non ut certa species pecuniæ, sed potius ut genus, seu æstimatio, ac mensura omnis pecuniæ probæ, ac receptæ, & talis species ab eodem Fab. *laco cit.* dicitur, *Numeralis, & generica magis, quàm specificæ*.

Alio modo Genus accipitur pro quadam summa, & quantitate æsti-

A matio-

PROTESTATIO.



Aec, Serenissime Princeps, à me disputata, Sua Serenitas, vt spero, pro sua benignitate accipiet, vt veritas hac tanta Doctorum nube confirmata magis elucescat. Nec alio animo à me prolata.

Abfit enim à me priuato viro ad illam arrogantiam adsurgere, vt legem Serenissimæ Reipublicæ ego præscribam, aut sapientissimum illum Senaturn, cuius insignem prudentiam, iustitiamque suspicio, & veneror, ad sententiam meam solam pertrahere enitar; sed humillimè, & cum omni deuotione animi hoc meum obsequium, Serenitati Vestre, totiusque Reipublicæ Serenissimæ, sapientissimo offero iudicio.

